

բանալի նորին մնալ 'ի ձեռս Հայոց, եւ դնել զմի դռնապան 'ի միարանաց նոցին, եւ երկաքանչիւր ազգաց մոտանել յԱյրն 'ի սեփհական դրանց իւրեանց: Իսկ արեւմտեան փակեալ դռնն մնալ 'ի ձեռս երկուց ազգաց իրաւամբ երկց բաժնից. եւ այսպէս միարանեալ սահմանեցին առաջի Բգեչխին, եւ դատաւորն դրով հաստատեաց զվարանութիւնս նոցա:

Եւ զկնի առուրց ինչ ստաքեաց Եղիազար վարդապետ զՅակոբ թարգմանն առ դատաւորն առաքել զմի ոք 'ի պաշտօնէից իւրոց 'ի Բեթղէհէմ, պատրաստել զտեղի կանթեղացն եւ կախել զնոսա 'ի սահմանեալ տեղիս: Եւ նա ստաքեաց զգարապետն դրեալ զիր առ ազգն Յունաց, չհակառակիլ Հայոց սակս որոշեալ իրաց, զորս սահմանեցին միարանութեամբ: Ուղեկից եղեն նմա քարտուղար Բղեչխին Իսրահիմ աղա, Պատրիարքն Յունաց՝ եւ Յովհաննէս Եպիսկոպոս Հայոց, եւ զկնի բանից եւ քննութեան եւ պատրաստելոյ զտեղիս բեւեռաց՝ կախեցին զկանթեղս Հայոց այսպիսի եղանակաւ. 3 կանթեղ 'ի վերայ Ծննդեան տեղւոյն, դէմ յանդիման կանթեղացն Յունաց: 5 կանթեղ 'ի վերայ Մարոյ տեղւոյն: 3 կանթեղ 'ի վերայ դրան Ծննդեան 'ի ձեղուանէ Այրին յանդիման կանթեղացն Յունաց: 2 կանթեղ յանդէպ Ծննդեան տեղւոյն 'ի ձեղուանէ Այրին: 3 կանթեղ 'ի ձեղուանէ Հիւսիսային դրան Այրին՝ որ 'ի ձեռս Հայոց: 2 կանթեղ 'ի վերայ հարաւային դրան՝ 'ի ձեռս Յունաց: 3 կանթեղ յարեւմտեան յետին կողմն Այրին. բովանդակն 21 կանթեղ սեփհական ազգին Հայոց:

Յետ կատարելոյ նոցա զայս ամենայն, դարձ արարեալ անտի պատմեցին դատաւորին. եւ նա պատուիրեաց երկաքանչիւրոց չայլայլել զիրս ինչ, զի մնացեն իւրաքանչիւրքն 'ի տեղիս իւրեանց (1656):

Յետ այսր ամենայնի Եղիազար որոնեալ եգիտ զթագուցեալ դրամն 'ի Գրիգոր Պարոն Տէրէ, եւ դատարկեալ զանօթսն եդ 'ի նոսա դեղին եւ սպիտակ մոմ: Զմասն ինչ 'ի դրամոց անտի եդ 'ի ծածուկ տեղւոյ յայլ իմն խորշ վանաց, իսկ զմնացեալն սփռեաց յանկասկած տեղիս, եւ ինքն այնուհետեւ եդ 'ի մտի առնել շինութիւն 'ի վանս անդ եւ յայլ տեղիս. եւ ծախել զամենայն 'ի պէտս եկեղեց-